

La vendema de Bepo

Questo che scrivi xe vero, me jo contà me nona.

Xe capità nel so paex, ela jera xovena ma la sintiva parlà i omi più veci. Quando la me conteva ridevemo dute doi. Co segni xida dormì je pensà? Ma questa avventura me piax la scrivi per ricordo del tempo che je pasà con ela.

Jera la fin de agosto tanto caldo, Bepo senteva sul sojer de caxa soja el speteva l'dixnà che la mojer pronteve in cuxina. Lui vedeva tanti sioni che xgoleva baso, e i feva tanta confuxion. Lui penseva che i se m'para xgolà per poi emigrà. Duto un colpo el sol se jo sconto e jo scominsià sofià un vento forto, e alsà la polvero dela cal. Quela volta le cale no jera sfaltade. Bepo ciama la mojer: "Anna va sarà i barconi e gruma le strase che te se suga, se pronta l'temporal, drio el vento ven la piova." Però a lui ghe jera in suca la piantada e la uva che podeva esi rovinada, e perdi lavor de duto l'anno. Despoi poco tempo lampi,

toni, piova, tempesta xe vignù. Lui de noto el jera zvejo nol podeva dormì el penseva ala uva. El jo deciso: "Domitina mi vai vendemà." Al se jo levà presto, al jo prontà caro, cavecio, brente, vaxi, galede, forbici e sgranadora. El ciama la mojer e ai fioi el ghe dè: "Ancoi non se va a scola ma xemo vendemà." Al ciama doi compari e tre contadini a judaghe, ma lori ghe dè: "Xe presto speta ancora qualche giorno e la uva sarò fata." Ma lui ghe rispondo: "Mejo grumala subito che perdi duto." Lori ghe dè: "Ma se non ti jeri gnianche controlà la situasion del dano." Lui ghe dè: "Mi je pronto duto se volè vignì se no vai solo." Allora i lo jo contentà i xe partidi col caro su toi carsi. Rivadi in piantada la uva jera bela, la tera suta, non veva piovù la sù. Duti ghe di: "Bepo ti vedi ti segni fortunà xemo a caxa, lasala ancora un pò che la farò el mosto più bon xa che la se jo salvà." Bepo ghe dè: "No, no sa semo e a caxa la portemo come che la xe, perchè non savemo quel che pol vignì stanoto; Quel che xe siguro ghe vol salvar e a caxa portà." Cusì i jo vendemà. Bepo jera un po in pensier ma non el

voleva perdi gnianche un grade uva col temporal. Quela noto xe vegnu un più grando temporal, e duti quei che veva toi carsi la piantada jo perso tanta uva. Bepo ghe dì:“ Anna stupido si ma sta volta je ragion mi, la uva vemo salvà speremo che el vin sia bom.” Ala mitina al xi n'cantina, la uva boiva, el mosto jera dolso, contento el jera. Pasa oto giorni el jo travasà e duti amici xe vegnudi a cercà el vin novo, a chi el ghe jera bom altri per invidia dixeve che el xe garbo. Bepo ghe dì:“Beve a gratis e ancora critichè, xe a caxa, el vostro vin no xe mai bom non savè gnianche fa el vin sempro pastrocè co i vostri esperimenti questo xe natural come i nostri veci ne jo m'parà, e nol fa nemal de pansa ne de suca solo al te pol imbrìagà e fate rodolà.

Motto: Artemide